

曰織布帛細者曰靡 寄食為餽寄物為餽
凡人乳而雙產謂之雙子 無緣之衣曰袷
襦 械蓋極也曰盪 旄旄大者曰旄中者曰
旂 牀曰杠 聽而不聰聞而不達曰聵
聵甚者曰聵 使犬曰哨 言非其事曰皮傳
戟無刃曰鈇曰鉞 車曰拘篋 舟曰筏
迹迹肩肩不安也曰肩肩或曰塞塞曰省省
蟬曰蟬 蜉蝣曰蜉蝣 釋名天豫允冀人以此
舌腹言之天顛也

翼乘卷之四

執秩部一

區署志

論曰羣百姓而居之曰邑羣有司而臨之曰署
令為政次者丞與簿與尉令坐堂皇之上而一
邑之命懸焉所以布德宣化勸大衆定大疑洪
大獄者于是乎在古人入境而稱三善况登其
堂至其室者乎至若謁舍不飾閑閤不高閑隘
不肅里道不脩廡廩不繕校柳亦司土之事也

并志之

邑東南隅為治所後唐令張仲溫以長興元年
徙置洪武四年縣令李諒因澮水浸迫徙今地
以舊治為藩署訓導新柱有記畧云宣明運天
啓

皇帝以神武定天下開萬世太平兵律而義動
相其時黎民殖若草木之貴大勲克濟天下共
載於是斧藻彞章繪締八紀內修文教外奮武
衛平其貢賦薄其徭役軍不內御政不外經大

造庶邦廣敷哲人政布惟新與天下更始迺建
邦設都辨方正位營即縣分憲牧長之署為臨
民先凡祀典廟壇使賓傳館及宦吏私第貧患
院局莫不更置之所以張治體理民事也時李
君諒青州府濰州人由中書掾出宰異朴而不
華公而不私繼作公署廼舍詢於僚佐今革亂
之後而民蕩析慮材計庸恐不堪力吾欲資舊
為新可乎時僚幕咸允之卜隙地樹表測正廣
袤中度以舊廨為憲治更作縣署遶舊署之西

毀不興之廟輦政而成故工不度木役不重勞
運甃崇基剪棘夷道既崇垣墉復新旣茨棟宇
雄起檐牙翬飛右之次後幕位居焉東西之序
六胥列焉瞻仰則竦人心畏民志典訓承於斯
出於斯事因其利雖新作仍舊作也營於是年
閏蟄之時成於明年姑洗之月時董役者史敬
忠請於官欲壽石以文昭垂於世夫牧長因縣
為憲即廟為縣功不勞民舉不費事登斯堂者
夙夜匪躬明慎庶獄畏威如疾防奸如兵思保

其祿伏斯堂者咸新舊染無惑世迷未革以心
先革以面思保其身官陟位而懼民畏辟而懷
上下交修以臻至治於制作圖新之意庶不虛
乎

堂五楹嘉靖間燹於白蓮賊丞張鵠重構之後
令賈名儒益加恢拓曹廊分列左右為戒石亭
于前為退思堂于後堂東置庫藏為鑾輿為架
閣復置樵樓東榮為鄭侯祠園內為谷繇祠其
儀門左右有親賢館福德祠則今周詩所建也

今署在堂後左右置書院東為丞廨西為簿廨
稍南為尉廨北吏舍舊馬廄居夾道東置馬神
祠廄西南為倉今俱廢惟治西南申明旌善有
亭民儼然栗馬

傳舍五近城隍祠西者為院署嘉靖十五年縣
令羅紳建也御史蘇祐至署有詩云車遥遥鷄
鳴起羲和鞭六龍周天幾萬里入濛汜出扶桑
雙輪逐日隨翱翔翔隨翱翔坐起忽流影夕橫崦
嵫山迴光朝映金銀闕車遥遥進進心恍惓棄杖空

署或鄧林種行慢逐羲和轡

近縣治東者為藩署舊為澮所侵泛濫淤底門
與堂不相直隆慶間令劉竟成改葺之萬曆間
令陳所聞孫璫相繼脩繕內有潞公軒

近縣治西者為臬署正統間令丁璉建也

近縣治南院署西者為府館二

邑倉三近縣治西南者為預備倉洪武四年令
李諒建也景泰四年令王剛徙置今地成化元
年令王珪葺之

又為南倉邑人王恭記云弘治丁未夏四月邑
令馬君增建預備倉成是歲冬十一月以瓜及
將行邑中謀立石以垂後余謂歲之不能無荒
自然之數也有備則雖災不能為害若堯水湯
旱是也無備則饑饉之餘罄罄待哺者不免溝
壑之填奸雄或乘時而聚嘯此古人所以重乎
荒政而常平義倉社倉之法所由立我朝預備
倉之設即其遺意也翼城為平陽大邑生齒之
繁不啻十萬其地多山而瘠其民多貧卒遇水

旱霖飛移轉徙長民者生視無可奈何故有預
備倉在縣治之外坤隅其間若干低而且隘其
積止二萬餘石而縣之公儲亦在其中先是馬
君下車以為非宜乃別建縣倉於治解內而此
獨為預備倉由是留心荒政務廣儲蓄或以禮
勸貸或以錢出糴入或以穀贖刑凡可以得糧
者無不盡心為之不數年而陳紅相因至於露
積于是又因倉南隙地築室于上木石採于各
利廟之無主者力役於里胥之在官者无甃无石

凡之贊悉君之區措於民未嘗科一錢役一人
始干戊午春二月落子巳未夏四月以問計者
凡九其制高聳宏麗皆出令君規畫匠氏特受
成而已書有之曰惟事事乃其有備有備無患
此萬世之明訓也馬君有焉先是民經甲辰乙
巳之歲多逃移者聞君政皆來復業令君名獻
字建儀世為臨洮府蘭州人成化戊子鄉
貢進士

又為北台令孫珣建也

社倉三置陵下村者貯天柱覆釜二鄉穀置中
衛村者貯神進石門二鄉穀置梁壁村者貯翼
川澮邑二鄉穀弘治十三年二千石張文佑移
檄諸縣翼令張忠所建也邑人王泰有記略云
翼城縣社倉四天柱鄉一在鄉西北唐里覆釜
鄉一在北高村里石門鄉一在縣東中衛南里
澮邑鄉一在縣界廐一里距縣各五里許令張君
忠所建也先是侯始視篆即留心荒政嘗誦考
亭氏之言曰自古救荒只有兩說一則賑召和

氣以致豐穰次則只有儲蓄之計乃平其政刑
寬其徭役抑強扶弱以覲以召和復斡次措置得
糧二十餘石迄今郡守西平張君文佐曩令襄
陵蓋嘗舉行社倉之法已有成效至是檄屬行
之且為條約歲以二月出貸八月入納取息什
之一擇鄉之殷實公直者主其事單日具報而
少府許君莊寔督責之侯得檄喜曰是蓋吾嘗
所欲為而未遂者顧可縱耶乃即日相地鳩工
度材西與北者以官地創建東與南者以梵宇

改作為屋以間計者共二十坊四亭一門墻宇
舍無一不具始于今年夏四月之朔至五月望
而告成乃分所積糧入焉余惟社倉肇自隋唐
乃近古良法考亭先生蓋嘗奏行之是舉也提
挈綱領作興倡率乃我郡守之功協心贊襄躬
親督理我或守之力而條畫精明綜理纖密又
實皆我縣侯之能事也自今而往百里之內雖
遇凶年民皆仰食又何流移溝壑之足憂哉雖
然古云有治人無治法後來者儻非其人則要

腐于倉而民饑于室或將發之則上下請賊焉
費不貲而又出納之際陰欺顯奪無弊不生民
之所得執獮居半而償以精鑿計其所得不償
所失法亦如之何哉此秦昔所當日時者故晉
書以告後之君子漢字恕山東泰安州人由弘
治己未進士

關廟四附邑城之四門居民鄰集惟北廂通秦
晉臨趙之區並鐵輻輳稱巨鎮焉
舖九縣治南者曰總舖東至沁水者六曰孝行

曰南衛曰神王曰隆化曰神馬曰東烏嶺西至
曲沃者二曰陵下曰天續

近預備倉東為陰陽學陰陽學北為醫學居華
嚴院為僧會居紫陽宮為道會邑西為演武場
邑治後為給孤院其武場西為漏澤園乃洪武
八年令王源渭建也後邑人周詩常世瑞常觀
正各捐貲置地一區以補漏澤所不及者

鐘樓在縣治前學諭張九叙有記略云粵稽鍾
鼓之設朝廷用以肅班聯清廟用以衍神人而

邵縣治用以昭天象授民時號萬靈之迷噴而
嚴奸宄之禁緝所聞蓋既重已翼自錫壤來頻
缺右懸其舊所常用者原學鐘也聲望閭里也
響落滄壑弗聳歆聽僅僅不失名筍簾間爾城
東越十里中衛里寺有古鐘魄傾萬鈞響應百
里里田父傳云惟罔敢叩叩之恐聲徹留都以
故稱之曰神鐘神鐘云夫以翼在晉陽號叔虞
桐封矣潞公桐鄉矣顧所藉樹聲教歸聽聞者
竟用他懸之敝物而寘古洪鐘於凋牧荒郊之

壘是瘞鼎彝於蓬蒿溷壁珠於泥沙也外亦甚
矣噫嘻茲鐘也果竟為虛設乎凡物大者必靈
靈則不失貴重而久安於湮沒先是廣川周侯
恒山賈侯歆徙而簾之縣治率為闔閭所不容
而止嗣惟卜侯自河津續最調我翼邑興廢起
敝鑄意遷之古無從入及秋七月憂旱禱雨雨
注而潦衝城實遂延僚官謂之曰藉此以迎古
鐘可乎於是責成厥事於縣幕而幕也才又足
以濟之鳩集群工傍招蒐人平道路之險置故

樓之上其居縣臺西者從金位也其衝康衢正
者大觀聽也其事役擊之者法古雷師鳴鐘也
風動傳聲霽清溢響然後知鐘果有靈而屹屹
翔滄間辰昏定戒禁嚴民作息以時耳目津新
侯之聽之益夕惕而思政待旦而敷施矣迺鐘
初鑄在宋孝宗金大定之丙戌今移於我
皇亦丙戌也蓋五百有餘歲矣
器用頤晦則物之數而支干脗合則天之符信
物與人其相待以興也哉

翼乘卷之四

軌秩部二

官師志上

論曰翼有宰有刺史有督有鎮有令有丞有簿
有尉有廣文 本朝以來惟有令有丞有簿有
尉有廣文始一一可考其所紀載大畧與題名
記同惟其人之間有所長不能別具傳者亦間
書於名之下志善善不志惡惡觀者亦必暗相
視手指而舌下之矣

東漢為絳邑長可攷者一人

賈逵字源道襄陵人建安時任

北齊為絳太守可攷者一人

賈敬武平六年以明威將軍守

唐為縣令可攷者二人

張懷器字志成武城人嗣聖元年以應大禮舉

及第授任載循牧志

韓侂大曆間以宣議郎任性廉直人憚服之

行三簿事可攷者一人

李洞由進士乾寧三年以給舍郎任載循牧志

為行營兵馬使可攷者一人

王逢會昌四年劉禎以潞叛武宗與李德裕議

遣逢屯翼城

後唐為縣令可攷者一人

張仲溫長興元年任載循牧志

後周守翼可攷者一人

程光遠由進士顯德乙卯以大理司直兼監察

御史守翼載循牧志

宋為縣令可攷者十人

陳希古由進士天禧己未以秘書著作郎任載循牧志

陳子履由進士以校書郎任載循牧志

文彥博字寬夫介休人由進士天聖丁卯以大
理評事任載循牧志

蔡構字元結由進士熙寧六年任

杜寧諫介休人元祐元年以推州防禦推官任
王通大觀間任

田顯政和元年以宣德郎任

李元儒政和七年以承議郎任

李察字元明開封人宣和壬寅以朝奉郎任

向淙字彥宗河南開封人宣和甲辰以通直郎
任載循牧志

縣簿可攷者二人

李若谷祥符間任

為縣尉可攷者一人 孟瑞以文林郎任

趙宗和以將仕郎任

金為縣令可攷者六人

柱德机天會初任

孫九男定襄人明經狀元及第天會癸丑年以

員外郎任載續攷志

李構天會十五年以太子校書郎任

李子溫金臺人天眷元年任能鋤強梗

楊時邑人為本縣尹載耆舊志

耶律輝大定九年任

縣丞可攷者一人

鄭輝貞元元年以學士任掌詩文

主簿可攷者六人

郭企義天會十一年以員外郎任

席珍以徵仕郎任

完顏九住以敦武將軍任

何宗珩大定二十八年以從仕郎任

李既濟明昌二年以將仕郎任

完顏中京明昌五年以忠武校尉任

元為縣令可攷者九人

耶律楚材查元史楚材止為開州同知未任翼
城而郭桓贍遠亭序云楚材尹是邑何也今並
識之以考

楊宜本邑人為本縣尹載舊志

楊思明楊琛子仝事仝以蔭讓思明明避不出
除是任

靳用字佑之曲沃人至元初任

趙思忠黎城人至元十年以教武校尉任

劉源字巨川東勝人載循牧志

張允字執中太原人至大元年以從仕郎任

李克讓字遜之鉅鹿人至大四年任

夏忠至正間任

行元帥事可沒有二人

楊琛初名俊宜從弟與宜蕩平諸賊畧以功行

翼州元帥事

葉企顏上蔡人至正十九年以統軍元帥行縣

尹事

為翼州太守可攷者一人

楊全琛弟以太守無征行千夫長佩金符

為千夫長可攷者一人

楊思斌琛子授金符千夫長

為長官可攷者二人

楊思忠本邑人全子載者舊志

楊思孝全子以長官理民事改授諸軍奧魯

為錢穀使可攷者一人

楊權本邑人思孝子載者舊志

為達魯花赤者二人

納馬鈔至元三十年以父資從仕郎任

伯顏字正卿元貞二年任

以平章事鎮翼者一人

韓三字伯仁至正間任遇國兵死之

縣之可攷者一人

楊汝舟楊宜子有能名

縣簿可攷者四人

楊佑之上黨人大德九年任載循牧志

謝清

張灝以將仕郎任

改克員至正間任

以聚城主簿監翼者一人

沙班敵昇至正十五年監戴循牧志

典史二人

張宇 王受益

縣尉一人

康德榮

提領一人

郝廷桂

教諭可攷者五人

程達 李元 孟思迪 賈之美 郝居仁